



SAKSFRAMLEGG

Sakshandsamar: Jan Erik Boge	Arkivkode: FE-033
Arkivsaksnr: 19/804	Løpenr: 19/7820
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	17.10.2019	052/2019

Endring frå DIHVA IKS til Vannvest AS

17.10.2019 Kommunestyret:

Handsaming i møtet:

Rådmannen sitt framlegg til vedtak vart vedteke med 20 røyster mot ei røyst frå Jon Magne Borgevik (politisk uavhengig)

KS- 052/2019 Vedtak:

Rådmannen sitt framlegg til vedtak:

- Samnanger kommune vedtek å delta i stiftinga av Vannvest AS. Ordførar får fullmakt til å representera kommunen på stiftingsmøtet.
- Kommunestyret vedtek å yta eit ansvarleg lån til Vannvest AS tilsvarende kr. 5 pr. innbyggjar. Lånet vert finansiert av disposisjonsfondet.
- Samnanger kommune vedtek å tre ut av Driftsassistansen i Hordaland - Vann og avløp IKS med verknad frå 01.09.20. Dersom stifting av nytt Vannvest AS skjer etter 01.11.19 vert tidspunkt for å tre ut av IKS'et tilsvarende forskyve.

Rådmannen sitt framlegg til vedtak:

- Samnanger kommune vedtek å delta i stiftinga av Vannvest AS. Ordførar får fullmakt til å representera kommunen på stiftingsmøtet.
- Kommunestyret vedtek å yta eit ansvarleg lån til Vannvest AS tilsvarende kr. 5 pr. innbyggjar. Lånet vert finansiert av disposisjonsfondet.
- Samnanger kommune vedtek å tre ut av Driftsassistansen i Hordaland - Vann og avløp IKS med verknad frå 01.09.20. Dersom stifting av nytt Vannvest AS skjer etter 01.11.19 vert tidspunkt for å tre ut av IKS'et tilsvarende forskyve.

Dokument som er vedlagt:

E-post frå DIHVA IKS 24.06.2019

Underlag for kommunestyresak om DIHVA fra IKS til AS revidert 18.06.2019

Vedlegg A - Vurdering av selskapsform (L)(273617)

Vedlegg B - Representantskapet oversendelse KS utredning om organisasjonsform

Vedlegg C - Årsberetning 2018 300 (L)(273619)

Vedlegg D - Selskapsavtalen for DIHVA IKS

Vedlegg E - Arbeidsområde

Vedlegg F - Tidlinje IKS til AS

Vedlegg G - Vannvest stiftelsesbok pr 20 juni 2019

Vedlegg H - Aksjonæravtale

Kva saka gjeld:

Driftsassistenten i Hordaland - Vann og avløp IKS (DIHVA IKS) er ein samarbeidsorganisasjon mellom 33 kommunar innanfor offentleg vatn og avløp. Samnanger er ein av medeigarkommunane.

Det vert no foreslått (av styret, tilsette og generalforsamlinga i DIHVA IKS) å endra DIHVA frå IKS (interkommunalt selskap) til AS, og å endra namnet frå DIHVA til Vannvest. Dei 33 kommunane som i dag er tilknytte DIHVA er invitert til å delta i stifting av nytt AS. Kommunestyra må gjera vedtak før planlagt stiftingsmøte i Vannvest AS 04.12.2019 for å verta med i selskapet frå oppstarten.

Bakrunnen for ønsket om endring frå IKS til AS er behovet for å oppnå eit meir føremålstenleg opptak av nye eigarar. Med selskapsform som IKS må opptak av nye eigarar (eigarkommunar) opp som sak i det enkelte kommunestyre i DIHVA-kommunane. Endringar av eigarsamansetnad vert som følge av dette ein langvarig og lite føremålstenleg prosess. Som AS vil generalforsamlinga, eller etter fullmakt styret, kunne ta opp nye kommunar som eigarar utan ny sakshandtering i alle kommunestyra.

Det vert foreslått at Vannvest AS skal vera eit selskap med ikkje-økonomisk føremål (ikkje driva økonomisk verksemd og ikkje utbetala utbytte), og med vedtekter som er tilpassa selskapet som ein samarbeidsorganisasjon.

Det vert vist til det vedlagte dokumentet «Underlag for kommunestyresak om DIHVA frå IKS til AS revidert 18.06.2019» - samt øvrige vedlegg - for meir detaljert informasjon om saka og bakgrunnen for den.

Kommunane som er med i DIHVA vert invitert til å gjera følgjande vedtak:

- a. Kommunestyret vedtek å delta i stiftinga av Vannvest AS. XX (ein representant frå kommunen) får fullmakt til å representera kommunen på stiftingsmøtet. (alternativt XX får fullmakt til å peika ut kven som skal representera kommunen på stiftingsmøtet).
- b. Kommunestyret vedtek å yta eit ansvarleg lån til Vannvest AS tilsvarande kr. 5 pr. innbyggjar.
- c. Kommunestyret vedtek å tre ut av Driftsassistenten i Hordaland - Vann og avløp IKS med verknad frå 01.09.20. Dersom stifting av nytt Vannvest AS skjer etter 01.11.19 vert tidspunkt for å tre ut av IKS'et tilsvarande forskyve.

Vurderingar og konsekvensar:

Det går fram av det vedlagte underlagsmaterialet at kommunen si noverande faste betaling til DIHVA IKS vil verta vidareført i Vannvest AS (for 2019 kr. 12.130 pluss kr. 2,11 pr innbyggjar). I tillegg må kommunen yta eit ansvarleg lån til Vannvest AS tilsvarande kr. 5 pr innbyggjar pr. 01.01.2019, for å

etablera nødvendig egenkapital i selskapet frå oppstart. For Samnanger vil dette lånet utgjera om lag kr. 12.500.

Rådmannen rår til at kommunestyret vedtek at Samnanger kommune skal delta i stiftinga Vannvest AS. Kommunestyret må i så fall òg velja ein representant som skal representera Samnanger på stiftingsmøtet 04.12.2019. Namnet på denne personen må leggjast til i vedtaksteksten.